

儀禮古今文疏證

玉和甫侍郎札

大著勤求苦義以釋古經觸類引伸四通六闢中如袂
當爲斟酌當爲酌尤見卓識精思非熟于齟聲假借之
例不能有此弟嘗欲輯古書通作之字以考古音之分
合先生此書先我箸鞭矣敬服敬服承委校勘遵命附
記一二簽管窺之見未知是否仍希教正王引之頓首
願山先生足下

儀禮古今文疏證卷之上

臨海宋世榮學

士冠禮第一

布席於門中闌西闕外

〔註〕古文闌爲槩闕爲蹻

疏引漢書云魯人高堂生爲漢博士傳儀禮十七篇是今文也至武帝之末魯恭王壞孔子宅得亡儀禮五十六篇其字皆以篆書是古文也古文十七篇與高堂生所傳者同而字多不同○士喪禮席于闌西闕外註古文闌作槩考工記匠人置槩以縣註槩古文臬假借字春秋穀梁昭八年傳以葛覆質以爲槩

註塾門中梟○註闕相也聘禮擯者立于闕外註古文闕爲蹙士喪禮席于闕西闕外特牲饋食席于門中闕西闕外註並云古文闕作蹙

旅占

〔註〕古文旅作臚

周禮司儀旅擯註旅讀爲鴻臚之臚漢書敘傳大夫臚岱註鄭氏曰臚岱季氏旅於太山是也師古曰旅陳也臚亦陳也臚旅聲相近其義一耳

纁裳

〔註〕今文纁皆作熏

士昏禮立纁註今文纁皆作熏小戴記禮器士不衣纁裳陸德明本作熏裳又明堂位註纁白陸本作熏

白

側尊一甒醴

〔註〕古文甒作廡

既夕甒二少牢饋食司宮尊兩甒〔註〕並云古文甒皆作廡士虞禮尊兩甒〔註〕古文甒爲廡世華案甒字古作廡廡从廡省

各一匱執以待于西坫南

〔註〕古文匱爲簠坫爲檐

〔註〕匱竹器名釋文匱本或作算史記汲鄭傳不過算器食徐廣曰算竹器○〔註〕坫在堂角漢書文帝紀或跗于危亡服虔曰跗音反坫之坫孟康曰跗音屋檐之檐師古曰服孟二音竝通國語吳語王背檐而坐

註檐屋外邊壇也

世華

案玷卽謂屋之外向者知玷

卽檐字檐又爲檐之假借字矣

兄弟畢袵立

〔註〕古文袵爲均也

註袵同也春秋左僖五年傳均服振振釋文均同也

字書作衲文選吳都賦六軍衲服劉註衲同也淮南

子齊俗尸祝衲衲

世華

案衲衲卽袵立字篆文衲衲

形近

采衣紛

〔註〕古文紛爲結

註紛結髮下主人紛而迎賓註古文紛爲結漢書陸

賈傳紉佗魑結箕踞師古曰結讀曰髻春秋左襄四

年傳註髻麻髮合髻也釋文髻本作紒又作結

質者盥于洗西

〔註〕古文盥皆作浣

鄉射禮盥洗注古文盥皆作浣春秋左襄十九年傳
范宣子盥而撫之論衡論死作浣而撫之

贊者奠纚笄櫛于筵南端

〔註〕古文櫛爲節

櫛字从木節節櫛同聲故櫛省作節

壹揖壹讓升

〔註〕古文壹皆作一

士相見禮主人答壹拜少牢饋食答壹拜有司徹皆
答壹拜註並云古文壹爲一士相見禮君答壹拜鄉
飲酒禮壹揖壹讓聘禮公壹拜送公食大夫禮壹以

授賓註並云古文壹作一鄉射禮壹揖壹讓公食大夫禮公壹揖壹讓註並云古文壹皆作一聘禮壹食再饗註古文壹皆爲一小戴記表記節以壹惠註壹讀爲一

世筆

案壹一經典通用不可枚舉

面葉

〔註〕古文葉爲搗

士昏禮面葉註古文葉作搗小戴記曲禮注引弟子職曰執箕膺搗陸德明本作膺葉七經考文云足利古本是葉字

面枋

〔註〕古今文枋爲柄

士昏禮皆南枋註今文枋作柄特牲饋食註東枋釋

文枋本亦作柄周禮內史掌王之八枋之法釋文枋本又作柄小戴記禮運以四時爲柄釋文柄本又作枋五經文字木部枋古柄字

啐醴

〔註〕古文啐爲呼

孟子告子啐爾而與之註啐爾猶呼爾咄啐之貌音義引丁音啐呼也世罕案啐呼形近易混

束帛儷皮

〔註〕古文儷爲離

註儷皮兩鹿皮也小戴記月令宿離不忒註離讀爲儷偶之儷說文鹿部麗字引禮麗皮納聘鄉飲酒禮乃歌魚麗釋文麗本亦作離易彖傳離麗也又象上

傳麗澤兌鄭本作離象下傳離王公也鄭本作麗詩
漸漸之石月離于畢論衡說日引作月麗于畢文選
潘安仁詩婉婉長離註離與麗古字通國策高漸離
論衡書虛作漸麗左定二年傳麗姬竹書作離姬

攝酒

〔註〕今文攝爲聶

有司徹司官攝酒註今文攝爲聶小戴記內則聶而
切之釋文聶一作攝

設局鼎

〔註〕今文局爲鉉古文鼎爲密

士昏禮設局鼎註局所以扛鼎鼎覆之今文局作鉉
鼎皆作密公食大夫禮設局鼎註今文局作鉉古文

鼎皆作密士虞禮抽扃註今文扃爲鉉又取鼎註古文鼎爲密又抽扃鼎有司徹乃設扃鼎註並云今文扃爲鉉古文鼎爲密說文金部鉉舉鼎具也易謂之鉉禮謂之鼎又鼎部鼎以木橫貫鼎耳而舉之从鼎口聲周禮廟門容大鼎七箇卽易玉鉉大吉也今考工記匠人作容大扃

世舉

案匡謬正俗扃以貫鉉非

卽鉉也其說非是考毛晃增韻鼎字平仄分收蓋从平聲者通作扃从仄聲者通作密說文口部口鼎覆也臣鉉等曰今俗作冪同士喪禮冪用疏布註古文冪皆作密少牢饋食皆設扃冪註古文冪皆爲密五

經文字門部冪與甬同

羸醢

〔註〕今文羸爲蝸

士喪禮既夕少牢饋食各羸醢字註並云今文羸爲蝸說文虫部蝸羸也爾雅釋魚蚶羸蝸蚶註卽蝸牛也

主人紒而迎賓

〔註〕古文紒爲結

見上采衣紒條

禮於阼

〔註〕今文禮作醴

上請醴賓註此醴當作禮又若不醴註醴亦當爲禮士昏禮出請醴賓註此醴亦當爲禮又贊醴婦註醴

當爲禮又如初禮註古文禮爲醴聘禮賓拜禮於朝
註今文禮爲醴又禮王註今文禮皆作醴小戴記內
則宰醴負子註醴當爲禮昏義贊醴婦註醴婦當作
禮聲之誤也釋名釋飲食醴禮也漢書郊祀志俎豆
醴進註謂雜物之具所以加禮也

某有子

〔註〕古文某爲謀

玉篇木部某酸果也又音毋不知名者云某

世榮

案

某字本假借無的字故古文或爲謀註從今通用字
以病吾子

〔註〕古文病爲秉

秉古柄字春秋邴意茲史記作秉意茲文選與吳質

書古人思炳燭夜游註秉或作炳皆偏旁得通之證

賓對曰

〔註〕今文無對

眉壽萬年

〔註〕古文眉作麋

方言註麋猶眉也大戴記王言孔子愀然揚麋註麋

一作眉荀子非相孔子面無須麋註麋與眉同集古

錄漢故北海相景君碑有云不永麋壽余家集錄三

代古器銘有云眉壽者皆爲麋壽蓋古字簡少通用

至漢猶然也

漢喻麋縣十六國春秋作榆眉

嘉薦亶時

〔註〕古文亶爲瘡

古亶單一字詩板下民卒瘡陸德明本作僮小戴記

緇衣引作下民卒瘞陸本作亶詩桑柔逢天倬怒釋
文倬本亦作亶

孝友時格

〔註〕今文格爲嘏

釋文嘏又作假少牢饋食以嘏于主人註古文嘏爲
格小戴記曾子問不旅不假註假讀爲嘏禮運祝嘏
釋文嘏本作假世聲案易王假有廟王假有家詩嘏
假無言皆以假爲格字

曰伯某甫

〔註〕甫字或作父

士相見禮若父則遊目註今文父爲甫釋名釋親屬
父甫也世聲案父甫經典通用不可枚舉

章甫

〔註〕甫或爲父今文爲斧

甫父見上釋名釋用器斧甫也

士昏禮第二

當阿

〔註〕今文阿爲庑

註阿棟也入堂深示親親鄉射禮序則物當棟堂則物當楣註正中曰棟次曰楣前曰庑

世犖

案如此註

是庑淺於楣鄉飲酒禮聘禮皆云賓當楣計主人在

阼賓行自應當楣但庑尚在楣外今鄭云入堂深示

親親鄉射禮又棟楣對舉則此當阿之爲當棟無疑

今文非也故鄭不從

周禮犬人幾珥註鄭司農云幾讀爲戔錢明經非曰幾阿聲之

也

即初禮

〔註〕今文禮爲醴

見士冠禮禮於阼條

校校

〔註〕古文校爲枝

既夕校在南〔註〕古文校爲枝

世學

案校當爲校莊子

天地大如標校釋文校本作枝荀子彊國拔戟加乎

首〔註〕校或作枝或作枝

面葉

〔註〕古文葉作搗

見士冠禮面葉條

立纁

〔註〕今文纁皆作熏

見士冠禮纁裳條

腊一肫脾不升

〔註〕肫或作純古文純爲鈞脾爲脾

少牢饋食作腊一純小戴記中庸肫肫其仁〔註〕肫肫

或爲純純

世華

案鈞蓋假借字○上禮載兩脾註

古文脾爲脾既夕脾不升少牢饋食脾不升有司徹

無脾註並云古文脾作脾詩車攻傳射左脾釋文脾

本作脾莊子人間世兩脾爲脅釋文脾又作脾

設局鼎

〔註〕今文局作鉉鼎皆作密

見士冠禮設局鼎條

大羹湑在饗

〔註〕今文湑皆作汁

註大羹滂羹肉汁也公食大夫禮大羹滂有司徹羊
肉滂註並云今文滂爲汁特牲饋食設大羹滂于醢
北註今文滂皆作汁世第案滂當爲滂張參曰傳寫
久譌不敢便改

南枋

〔註〕今文枋作柄

見士冠禮南枋條

姆加景

〔註〕今文景作憬

憬隋書禮儀志作憬說文無憬憬字知古只作景王

侍郎

引之

曰古字多假借不必从巾者而後爲衣也

世第

案景卽詩所謂褰衣孔疏可證

文選

卷之

書之

贊啓會卻于敦南

〔註〕今文啓作開古文卻爲裕

既夕請啓期士虞禮啓會又聲三啓戶註並云今文

啓爲開又既夕啓之昕註古文啓爲開史記張釋之

馮唐傳山都侯王恬開徐廣曰開一作間漢書作啓

啓者景帝諱也故或爲開

世聲

案啓作開經典不可

枚舉○卻裕俱从谷聲古假借用故鄭不從

贊爾黍

〔註〕古文黍作稷

世聲

案傳寫之異

主人說服于房

〔註〕今文說作稅

鄉飲酒禮說屨士虞禮大夫說紼帶註並云今文說

爲稅鄉射禮弟子說束旣夕主人說髦註並云今文說皆作稅詩甘棠召伯所說顧人說于農郊釋文並云說本或作稅小戴記檀弓使子貢說驂又螭固不說齊衰玉藻無說笏釋文並云說本作稅

止

〔註〕古文止作趾

釋名釋形體趾止也小戴記內則奉席請何趾陸本作止易噬嗑履校滅趾陸本作止又夬壯于前趾艮艮其趾荀本並作止又賁賁其趾釋文趾本作止詩麟趾麟之趾陸德明本作麟之止春秋左桓十三年傳舉趾高漢書五行志作舉止高詩七月四之日舉

趾漢書食貨志作舉止

屨侍于戶外

〔註〕今文侍作待

小戴記雜記待猶君也註待或爲侍荀子正論百人侍西房註侍或爲待也莊子田子方孔子便而待之又漁父竊待於下風釋文並云待本作侍

贅見婦于舅姑

〔註〕古文舅皆作咎

穆天子傳咎氏註字亦作舅咎猶舅也荀子臣道晉之咎犯註咎與舅同又史記晉世家咎犯淮南子人問訓咎犯之謀韓非子外儲說咎犯聞之而笑呂覽當染染于咎犯並以咎爲舅字

婦贊成祭

〔註〕今文無成也

與始飯之錯

〔註〕古文始爲姑

始姑形近周頌敦銘皇毋龔始卽以始爲姑字

酬以束錦

〔註〕古文錦皆作帛

錦字从帛古文或省王侍郎引之曰錦帛義得兩通

故錦或作帛

加于橋

〔註〕今文橋爲鎬

詩扶蘇山有橋松釋文橋鄭作槁喬高形近義通古假借用莊子列禦

寇槁項黃馘者釋文槁本作矯亦其證也

又弗能教

〔註〕今文弗爲不無能字

儀禮古今

卷之七

廿二 補山新著

周禮諸子註弗不也春秋公羊僖二十六年傳註弗者不之深者也

世舉

案弗不經典通用不可枚舉

主於某之室

〔註〕今文於爲于

大射儀士御於大夫註今文於爲于既夕于北墉下

註今文于爲於

世舉

案于於經典通用不可枚舉

我與在

〔註〕古文與爲豫

鄉射禮賓不與聘禮介皆與公食大夫禮魚腊不與註並云古文與作豫士虞禮主人不與註古文與爲豫小戴記曲禮定猶與也釋文與亦作豫春秋穀梁僖八年傳註以乞得與之釋文與本作豫史記呂后

紀計猶與索隱與又作豫又漢書註與字多讀曰豫
夙夜無違命 〔註〕古文母作無

士相見禮母改註古文母作無又母上于面公食大
夫禮母過四列註並云古文母爲無 世罕案母無經

典通用不可枚舉

視諸衿聲 〔註〕視乃正字今文作示俗誤行之

小戴記曲禮幼子常視母証註視今之示字詩鹿鳴
視民不佻箋視古示字漢書高帝紀亦視項羽無東
意如淳曰視音示師古曰漢書多以視爲示古通用
字莊子應帝王以予示之釋文示本作視崔云視示

文疏證

也又徐无鬼中之質如示日釋文示司馬本作視

請終賜見

〔註〕今文無終賜

士相見禮第三

左頭奉之

〔註〕今文頭爲脰

下左頭如麇〔註〕今文頭爲脰士虞禮取諸脰脰〔註〕今
文脰脰爲頭脰也春秋公羊文十六年傳殺人者刎
頭釋文頭本又作脰

某將走見

〔註〕今文無走

某不敢爲儀

〔註〕今文不爲非

下某不敢爲儀〔註〕今文不爲非漢書蕭望之傳〔註〕不

非也

固請吾子之就家也 〔註〕古文云固以請

某不敢爲儀 〔註〕今文不爲非

見上條

將走見 〔註〕古文曰某將走見

某也固辭不得命 〔註〕今文無也

主人答壹拜 〔註〕古文壹爲一

見士冠禮壹揖壹讓升條

某也旣得見矣 〔註〕今文無也

左頭如麤 〔註〕今文頭爲脰

儀禮古今

卷之七

禮記集說

見上左頭奉之條

君答壹拜

〔註〕古文壹作一

見士冠禮壹揖壹讓升條

妥而後傳言

〔註〕古文妥爲綏

小戴記曲禮大夫則綏之又國君綏視〔註〕並云綏讀曰妥漢書武五子傳城北州以妥孟康曰妥古綏字也晉姜鼎銘妥懷遠邦楊南仲釋曰妥讀爲綏

毋改

〔註〕古文毋作無

見士昏禮夙夜無違命條

衆皆若是

〔註〕今文衆爲終

易雜卦大有衆也荀本衆作終詩振鷺以永終譽後漢書崔駰傳引作衆譽史記五帝紀怙終賊刑徐廣曰終一作衆

若父則遊目毋上於面毋下於帶

註今文父爲甫古

父母爲無

父市見士冠禮曰伯某甫條毋無見士昏禮夙夜無違命條

君子欠伸問日之早晏

註古文伸作信早作蚤

疏引周禮大宗伯云侯執伸圭爲信字小戴記儒行竟信其志註信讀爲屈伸之伸假借字也易繫辭引

而伸之釋文伸本又作信又以求信也釋文信本又作伸詩擊鼓不我信兮釋文信古伸字荀子不苟靡所不信註信讀爲伸漢書註多讀信曰伸○詩七月四之日其蚤小戴記王制註引作其早漢書文帝紀有司請蚤建太子師古曰蚤古以爲早晚字也

問夜膳葷

〔註〕古文葷作薰

小戴記內則註一薰一膾釋文薰本作葷漢書霍去病傳所獲葷允之士服虔曰葷允薰鬻也師古曰葷字與薰同文選養生論薰辛害目註薰與葷同

徧嘗膳

〔註〕今云咄嘗膳

玉篇口部咭字引穀梁傳曰未嘗有咭血之盟咭嘗

也

世犖

案咭卽嘗義故鄭不從

若君賜之爵

〔註〕今文曰若賜之爵無君也

容彌蹙以爲儀

〔註〕今文無容

執玉者

〔註〕今文無者

舉前曳踵

〔註〕古文曳作𢶏

玉篇申部曳牽也引也荀子非相接人則用𢶏〔註〕𢶏牽引也或曰𢶏當爲𢶏小戴記檀弓負手曳杖釋文曳亦作𢶏

宅者

〔註〕今文宅或爲託

儀禮古今

卷之七

注疏

說文山部宅所託也書顧命三咤釋文咤字亦作宅
徐又音託說文引作三託

則曰艸茅之臣

〔註〕古文茅作苗

易泰拔茅連茹釋文茅鄭音苗羣經音辨艸部茅苗
也孟子滕文公晝爾于茅音義張云字或作苗誤

鄉飲酒禮第四

賓厭介入門左介厭衆賓入衆賓皆入門左

〔註〕今文

皆作揖又曰衆賓皆入左無門

〔註〕推手曰揖引手曰厭下賓厭介升〔註〕今文厭皆爲
揖鄉射禮賓厭衆賓〔註〕今文皆曰揖衆賓

奠爵于篚下

〔註〕今文無奠

壹揖壹讓升

〔註〕古文壹作一

見士冠禮壹揖壹讓升條

坐挽手

〔註〕古文挽作說

鄉射禮坐挽手〔註〕古文挽作說
特牲饋食坐挽手〔註〕
古文挽皆作說
有司徹坐挽手〔註〕挽手者于悅
古文悅作說

北面拜送爵

〔註〕今文無北面

辯有脯醢

〔註〕今文辯皆作編

燕禮大夫辯受酬有司徹若是以辯
〔註〕並云今文辯

皆作徧少牢饋食辨換于三豆註今文辨爲徧書舜

典徧于羣神史記五帝紀作辨于羣神

賓厭介升介厭眾賓升

註今文厭皆爲揖

見上賓厭介條

辨有脯醢

註今文辨爲徧

辨有脯醢

註今文辨爲徧

並見上辨有脯醢條

眾受酬者受自左

註今文無眾酬也

介坐受以興

註今文曰賓受

世肇

案賓言取介言受尊卑之異故鄭不从今文

尊者降席東南面

〔註〕今文遵爲僎或爲全

鄉射禮大夫若有尊者〔註〕今文遵爲僎小戴記少儀
僎爵〔註〕古文禮僎作遵鄉飲酒義介僎〔註〕古文禮僎
皆作遵說文人部僎具也玉篇入部全具也論語異
乎三子者之撰釋文撰鄭作僎讀曰詮說文言部詮
具也从言全聲

說屨

〔註〕今文說爲稅

見士昏禮主人說服于房條

賓服鄉服以拜賜

〔註〕今文曰賓服鄉服

主人釋服

〔註〕古文釋作舍

大射儀獲而未釋獲註古文釋爲舍周禮大胥舍菜
註舍卽釋也占夢乃舍萌于四方註舍讀爲釋古書
釋菜釋奠多作舍字又甸祝舍奠于祖廟註舍讀爲
釋詩行葦舍矢旣均箋舍之言釋也小戴記祭統舍
奠於祖廟註舍當爲釋

賓介不與

〔註〕古文與爲預

玉篇象部豫或作預詳士昏禮我與在條

脊肩胛肺

〔註〕今文胛作胛

有司徹羊胛一註古文胛爲胛又肫胛釋文胛本作
胛

則獻諸西階上

〔註〕今文無上

縮霑

〔註〕古文縮爲蹙

鄉射禮則縮而委之〔註〕古文縮皆作蹙士虞禮東縮又縮祭半尸少牢饋食縮執俎有司徹西縮〔註〕並云古文縮爲蹙廣雅釋詁蹙縮也詩節南山蹙蹙靡所騁傳蹙蹙縮小之貌

鄉射禮第五

賓厭眾賓

〔註〕今文皆曰揖眾賓

見鄉飲酒禮賓厭介條

主人阼階前西面坐

〔註〕今文無阼階

盥洗

〔註〕古文盥皆作浣

見士冠禮贊者盥于洗西條

壹揖壹讓

〔註〕古文壹皆作一

見士冠禮壹揖壹讓升條

坐挽手

〔註〕古文挽作說

見鄉飲酒禮坐挽手條

大夫若有遵者

〔註〕今文遵爲僎

見鄉飲酒禮遵者降席東南面條

皆揖就席

〔註〕今文揖爲升

廣雅釋詁揖進也呂覽孟秋紀農乃升穀註升進也

退少立 〔註〕古文曰少退立

進坐取觶興反坐不祭遂卒觶興坐奠觶拜 〔註〕今文

坐取觶無進又曰坐奠之拜

下實觶〔註〕今文觶爲之 世準案觶之音譌於文亦通

兼挾乘矢 〔註〕古文挾皆作接

大射儀挾乘矢於弓外〔註〕古文挾皆作接孟子盡心

挾賁而問〔註〕挾接也荀子儒效盡善挾洽之謂神〔註〕

挾讀爲挾又解蔽不足以挾萬物之變〔註〕挾當爲接

某御於子 〔註〕古文曰某從於子

士喪禮外御〔註〕小臣侍從者既夕御者〔註〕今時侍從

之人

弟子說束

〔註〕今文說皆作稅

見士昏禮主人說服于房條

阼階下之東南

〔註〕今文無南

豫則鉤楹內

〔註〕今文豫爲序

註豫讀如成周宣榭災之榭周禮作序惠徵君謂左

氏古文榭本作射

世榮

案孟子滕文公序者射也小

戴記祭義卿大夫序從註序或爲豫爾雅釋地河南

曰豫州釋文引春秋元命包云豫之言序也又李註

豫舒也書洪範曰豫春秋公羊成九年經註論衡寒

溫並引作曰舒漢書儒林傳殷曰序註序舒也

適堂西

〔註〕今文曰適序西

下主人堂東祖決遂執弓搢三挾一个賓於堂西亦如之又賓序西主人序東註或言堂或言序亦爲庠櫛互言也

負候而俟

〔註〕今文俟爲立

大射儀三耦俟于次北註今文俟爲立

世榮

案說文

俟字本从立作𠂔故今文省作立

不貫不釋

〔註〕古文貫作闕

大射儀不貫不釋註古文貫作闕漢書王嘉傳大臣

括髮關械註關貫也說文弓部彎持弓關矢也春秋左昭二十一年傳豹則關矣註關引弓也史記陳涉世家士不敢貫弓漢書作彎弓

以茅上握焉

〔註〕今文上作尚

覲禮尚左註古文尚作上廣雅釋詁尚上也

世準案

尚上經典通用不可枚舉

則縮而委之

〔註〕古文縮皆爲蹙

見鄉飲酒禮縮霑條

北面拜受爵

〔註〕古文曰再受爵

各以其耦

〔註〕今文以爲與

註以猶與也詩江有汜不我以箋以猶與也小戴記中庸可以入德矣七經考文云古本以作與

作上射

〔註〕今文或言作升射

漢書王莽傳註上升也

執餘獲升告

〔註〕今文口告于賓

視算

〔註〕今文曰視數也

鄉飲酒禮無算爵註算數也說文竹部算數也

退反位

〔註〕古文曰反坐

世榮

案人所坐立處皆曰位故位亦作坐

長受酬酬者不拜

〔註〕古文曰酬者不拜

執觶者洗升實解 〔註〕今文無執解及賓解大夫之解皆爲爵實解解爲之

有司徹舉解于其長 〔註〕古文解皆爲爵延景中詔校書定作解燕禮坐取觚 〔註〕古文觚皆爲解又坐奠觚 〔註〕今文從此文以下觚皆爲爵○解之見上坐奠解拜條

賓不與

〔註〕古文與作豫

見士昏禮我與在條

五臟

〔註〕古文臟爲哉今文或作植

世舉

案哉當爲哉字書禹貢厥土赤埴墳釋文埴鄭

作𦵏釋名釋地埴膩也黏膩如脂之膩也莊子馬蹄

釋文引作埴𦵏也黏膩如脂之𦵏也考工記搏埴之

工註埴書或為植晉羊舌職說苑善說作羊埴埴植古通字

獻工與笙註今文無與笙

遂命倚旌註古文曰遂命獲者倚旌

則以白羽與朱羽糅杠長三仞以鴻脰韜上二尋註

今文糅為縮韜為韜

註糅者雜也世舉案糅字古作糲古从柔从丑字得

通說文米部糲雜飯也大射儀公親糲之註古文糲

為紐廣雅釋詁紐束也爾雅釋器繩之謂之縮之註

編者約束之○玉篇羽部翯翯也翯翯並同

世華

案翯卽翯字翯綢音同小戴記檀弓綢練釋文綢韜也爾雅釋天素錦綢杠玉篇作韜杠

衆賓不與

〔註〕古文與爲豫

見士昏禮我與在條

侯道五十弓

〔註〕今文改弓爲肱也

肱亦作弦

春秋昭三十一年黑肱公羊春秋作黑弓

君射則爲下射

〔註〕今文君射則爲下

則皮樹中以剗旌獲白羽與朱羽糅

〔註〕今文皮樹爲

繁豎糅爲緇古文無以

詩十月之交蕃維司徒韓詩蕃作繁漢書人表皮師
古曰卽詩所謂蕃維司徒者也又魯國蕃縣應劭曰
蕃音皮風俗通山澤陂者繁也○樹豎音同漢書揚
雄傳皆稽首樹領師古曰樹豎也○上白羽與朱羽
揉註今文揉爲縮

世聲

案縮緇形近傳寫或譌

唯君有射于國中其餘否
〔註〕古文有作又今文無其
餘否

易繫辭又以尚賢也鄭本又作有詩終風不日有曠
筵有又也又長發有虔秉鉞筵有之言又也小戴記
內則三王有乞言註有讀爲又荀子註有字多讀爲

文疏證

卷之十一

書之一

又世肇案古器物銘皆以又爲有字

大夫射則肉袒 〔註〕今文無射

燕禮第六

冪用裕若錫 〔註〕今文錫爲緡

大射儀冪用錫〔註〕錫細布也今文錫或作緡喪服傳
〔註〕謂之錫者治其布使之滑易也說文糸部緡細布
也文選子虛賦被阿緡〔註〕緡與錫古字通

射人納賓 〔註〕今文曰擯者

〔註〕射人爲擯者也

坐取觚洗 〔註〕古文觚皆爲觶

下士長升受觶註今文觶作觚又賡觚于公註此當言賡觶酬之禮皆用觶言觚者字之誤也古者觶字或作角旁氏由此誤爾又洗象觶註今文曰洗象觚又取賓所賡觶註今文觶又爲觚大射儀拜受觶註今文觶作觚考工記梓人觚三升註觚當爲觶世犖案鄭駁五經異義曰觶字角旁氏汝穎之間師讀所作今禮角旁單古書或作角旁氏則與觚字相近學者多聞觚寡聞觶寫此書亂之而作觚耳

坐奠觚

註今文從此以下觚皆爲爵

論語觚不觚釋文觚酒爵也

世犖

案儀禮觚觶爵字

古今文多混見鄉射禮執觶者洗升及上條

主人辭洗

〔註〕今文無洗

更爵洗升

〔註〕古文更爲受

大射儀更爵洗〔註〕古文更爲受周禮巾車歲時更續

〔註〕故書更續爲受讀春秋左昭九年傳以更豕韋之

後史記夏本紀作以受豕韋之後徐廣曰受一作更

世準

案更字古从更形與受近

勝觚于賓

〔註〕今文勝皆作勝

〔註〕勝讀或爲揚大射儀勝觚于賓〔註〕古文勝皆作勝

公食大夫禮衆人勝羞者〔註〕勝當作勝小戴記檀弓

杜賁洗而揚觶註禮揚作賡鄉飲酒義揚觶射義揚觶而語註並云揚今禮皆作騰

大夫辯受酬

註今文辯皆作徧

見鄉飲酒禮辯有脯醢條

主人以虛爵降奠于篚

註今文無奠于篚

遂卒爵

註古文曰卒爵不拜

士長升拜受觶

註今文觶作觥

見上坐取觥條

洗象觶

註今文曰洗象觥

公坐取賓所賡觶

註今文觶又爲觥

見並同上

公答拜

〔註〕古文曰公答再拜

以賜鐘人於門內雷

〔註〕古文賜作錫

覲禮天子賜舍〔註〕今文賜作錫易師卦王三錫命鄭
本錫作賜書序平王錫晉文侯秬鬯馬本錫作賜春
秋莊元年天王使榮叔來錫桓公命公羊傳錫者何
賜也成八年天子使召伯來賜公命公穀並作錫書
禹貢納錫大龜又錫土姓史記夏本紀並作賜

寡君有不腆之酒

〔註〕古文腆皆作殄今文皆曰不腆

酒無之

考工記輶人輶或頎典註鄭司農曰典讀爲殄詩新
臺籩條不殄箋殄當作腆

使某固以請

〔註〕今文無使某

與卿燕則大夫爲賓與大夫燕

〔註〕今文無則下無燕

大射儀第七

頌磬東面

〔註〕古文頌爲庸

註言成功曰頌西爲陰中萬物之所成周禮大司樂
疏引鄭註笙庸以間云西方之樂謂之庸庸功也西
方物熟有成功亦謂之頌頌亦是頌其成功也又眡
瞭擊頌磬註頌或作庸

冪用錫若絺

〔註〕今文錫或作緇絺或作綌

錫緇見燕禮若緇條○小戴記喪大記浴用絺巾釋文絺本作綌

綴諸箭

〔註〕古文箭作晉

周禮職方氏其利金錫竹箭〔註〕故書箭爲晉考工記廬人晉圍釋文晉一作箭

更爵洗升

〔註〕古文更爲受

見燕禮更爵洗升條

媵觚于賓

〔註〕古文媵皆作騰

見燕禮媵觚于賓條

降適西階下

〔註〕古文曰降造西階下

莊子山木愛已而造哀也釋文引司馬註造適也

後首

〔註〕古文後首爲後手

士喪禮左首進髻註古文首爲手小戴記檀弓斂首足形陸本作手足春秋成二年曹公子首公穀並作手又左宣二年傳見其手釋文手本作首穀梁定十年傳首足異處史記孔子世家作手足莊子達生則捧其首釋文首本作手漢書人表敗手說文作夥首挾乘矢於弓外

〔註〕古文挾皆作接

見鄉射禮兼挾乘矢條

士御於大夫

〔註〕今文於爲于

見士昏禮至於某之室條

皆適次而俟

〔註〕今文俟作待

詩靜女俟我于城隅傳俟待也說文立部族待也才部待族也

不異侯

〔註〕今文異作辭

世聲

案與尊者爲耦則卑者當辭而異侯是異辭一

義

三耦俟于次北

〔註〕今文俟爲立

見鄉射禮執旌負侯而俟條

至乏聲止

〔註〕古文聲爲磬

說文耳部聲音也从耳𡗗聲𡗗籀文磬集韻聲古作𡗗

獲者與

〔註〕古文獲皆作護非也

春秋召獲駕乘車史記作護史記衛將軍驃騎傳涉獲章渠徐廣曰獲一作護

獲而未釋獲

〔註〕古文釋爲舍

見鄉飲酒禮主人釋服條

且左還

〔註〕古文且爲阻

書舜典黎民阻飢史記五帝紀作始飢徐廣曰今文

尚書作祖飢祖始也小戴記檀弓夫祖者且也

世華

案古器物銘皆以且爲祖又阻沮通字小戴記月令地氣沮泄呂覽仲冬紀作且泄又漢婁壽碑榮且溺之耦耕卽論語之長沮桀溺也

取矢柶之

〔註〕古文柶作魁

註柶齊等之也下揚觸柶復註古文柶作魁後漢書

東夷傳魁頭註猶科頭也

世華

案論語爲力不同科

科亦齊等之意

揚觸柶復

〔註〕古文柶作魁

見上

不貫不釋

〔註〕古文貫作關

見鄉射禮不貫不釋條

適阼階下

〔註〕今文曰阼階下無適

還右

〔註〕今文曰右還

以袂順左右隈

〔註〕今文順爲循

詩江漢箋使循流而下釋文循本亦作順莊子天下
已之大順釋文順本作循又列禦寇大順釋文順或
作循

公親揉之

〔註〕古文揉爲紉

世舉

案古从柔从丑字並得通左傳公山不狃史記

孔子世家作不蹂爾雅釋獸其跡爪釋文瓜古文爲蹂引字林或作狙

遂以所執餘獲

〔註〕古文曰餘算

註餘獲餘算也

則縮而委之

〔註〕古文縮皆作盛

見鄉飲酒禮縮霑條

賓升就席

〔註〕今文席爲筵

說文竹部筵竹席也燕禮司宮筵賓于戶西註筵席也士虞禮猶出几席註古文席爲筵周禮司几筵註筵亦席也鋪陳曰筵藉之曰席然其言之筵席通矣

司馬師命獲者

〔註〕今文司馬師無司馬

士長升受觶

〔註〕今文觶作觚

見上坐取觶條

媵觶于公

〔註〕今文觶爲觚

見同上

公答再拜

〔註〕今文公答拜無再

聘禮第八

帥眾介夕

〔註〕古文帥皆作率

下帥大夫以夕〔註〕古文帥爲率覲禮帥乃初事〔註〕今

文帥作率周禮樂師帥射夫〔註〕故書帥爲率

世罕案

說文帥當爲達率當爲衛帥率並假借字今經典帥率通用不可枚舉

管人布幕于寢門外

〔註〕古文管作官今文布作敷

註管猶館也覲禮疏引此作館人易隨卦官有渝蜀

才本官作館

世犖

案穆天子傳官人陳牲官人膳鹿

卽儀禮管人字○詩小雅小旻敷于下土傳敷布也

書禹貢禹敷土鄭註敷布也又篠簜旣敷史記夏本

紀作竹箭旣布顧命敷重篋席說文苜部莫字引作

布重莫席文侯之命敷聞在下史記晉世家作布聞

在下詩長發敷政優優春秋左成二年傳昭二十年

傳春秋繁露並引作布政史記司馬相如傳專結縷
徐廣曰專古布字汗簡寸部敷古作專

加其奉於左皮上

註古文奉爲卷

世罕

案卷當爲拳士冠禮橫而奉之唐石經奉作拳
史記扁鵲倉公傳而毛美奉髮徐廣曰奉又作拳文
選報任安書更張空拳註引李登聲類云拳或作卷
漢書賈捐之傳敢昧死竭卷卷師古曰卷讀與拳同

馬則北面

註今文無則

使者載旛

註古文旛皆爲膳

下朝服載旛註古文旛作膳既夕載旛註古文旛爲

膳

垂縑

〔註〕今文縑作璫

下圭與縑〔註〕古文縑或作藻今文作璫觀禮有縑〔註〕
縑或爲璫周禮典瑞縑藉五采〔註〕縑讀爲藻率之藻
書益稷藻火說文玉部作璫小戴記禮器朱綠藻陸
本作縑縑卽縑字

介皆與

〔註〕古文與作豫

見士昏禮我與在條

陳皮北首

〔註〕古文曰陳幣北首

世舉

案皮幣音近又皮帛幣帛相承通用

卿爲上擯大夫爲承擯士爲紹擯

〔註〕今文無擯

介皆入門左

〔註〕今文無門

裼降立

〔註〕古文裼皆作賜

世犛

案裼有賜音詩斯千載衣之裼字與地協說文

衣部禡字引作載衣之禡从衣啻聲

賓進訝

〔註〕今文訝爲梧

公食大夫禮從者訝受皮

〔註〕今文曰梧受漢書司馬

相如傳或有祗梧如淳曰梧讀曰迂文選洞簫賦氣

旁迂以飛射兮旁迂卽旁午字說文午部午梧也梧

逆也惠徵君謂梧本作梧是也

釋名釋邱梧柞也

公壹拜送

〔註〕古文壹作一

見士冠禮壹揖壹讓升條

先入門左

〔註〕古文重入

歸饔餼五牢

〔註〕今文歸或爲饋

下夫人歸禮〔註〕今文歸作饋士虞禮特豕饋食〔註〕饋猶歸也論語詠而歸又歸孔子豚又齊人歸女樂鄭本歸並作饋他書亦多引作饋史記周本紀以歸周公於兵所徐廣曰歸一作饋荀子王制使相歸移也〔註〕歸讀爲饋

皆二以竝

〔註〕今文並皆爲併

士昏禮竝南上註竝當作併公食大夫禮二以竝註
竝併也今文曰併有司徹竝皆西縮註古文竝皆作
併士喪禮二人以並註今文並爲併少牢饋食皆二
骨以並註今文並皆爲併

車秉有五簋

〔註〕今文簋或爲逾

下十六斗曰簋註今文簋爲逾論語與之庾苞註十
六斗爲庾也皇疏卽是聘禮之簋也荀子大略流九
止於甌與註引方言陳魏楚宋之間謂罍爲與檢今
方言與作甌世聲案逾乃假借字說文斗部斛量名
引周禮曰黍三斛
考工記鄭註以爲輕重未聞玉篇
斛量也今作庾則爲十六斗矣

至于階讓

〔註〕古文曰三讓

至于階讓

〔註〕古文曰三讓

庭實設

〔註〕今文曰入設

實入音近春秋左宣十二年傳實其言註實猶充也
史記范雎蔡澤傳草入邑索隱入猶充也義亦得通

賓拜禮於朝

〔註〕今文禮爲醴

見士冠禮禮於阼條

壹食再饗

〔註〕古文壹皆爲一今文饗皆爲鄉

壹一見士冠禮壹揖壹讓升條○公食大夫禮設洗

如饗又皆如饗註並云古文饗或作鄉小戴記祭義

饗者鄉也漢書樂志告靈饗矣師古曰饗字合韻皆音鄉。

俶獻

〔註〕古文俶作淑

爾雅釋詁淑善也說文人部俶善也一日始也穀梁序疏及釋文並名淑玉海引疏作俶

以侑幣

〔註〕古文侑皆作宥

有司徹乃議侑于賓〔註〕古文侑皆作宥周禮大司樂三侑唐石經作三宥小戴記禮器詔侑武方釋文侑本或作宥爾雅釋詁侑報也釋文侑本或作宥荀子宥坐此蓋爲宥坐之器〔註〕宥與侑同

迎于外門外

〔註〕今文曰迎于門外

帥大夫以入

〔註〕古文帥爲率

見上帥衆介夕條

升自西階自左南面受圭

〔註〕今文或曰由自西階無

南面

禮玉束帛乘皮皆如還玉禮

〔註〕今文禮皆作醴

見士冠禮禮於阼條

公使卿贈

〔註〕今文公爲君

詩臣工敬爾在公傳公君也爾雅釋詁公君也春秋

左襄七年傳公登亦登漢書五行志作君登亦登

載廬

〔註〕古文廬作膳

見上使者載廬條

赴者未至

〔註〕今文赴作訃

既夕赴曰〔註〕今文赴作訃小戴記雜記凡訃於其君
訃訃或皆作赴說文忝部赴趨也徐鉉曰春秋傳赴
告用此字今俗作訃非

問幾月之資

〔註〕古文資作齋

周禮外府〔註〕引此作問幾月之齋少牢饋食資黍于
羊俎兩端〔註〕今文資作齋周禮外府共其財用之幣
齋鄭司農云齋或爲資今禮家定齋作資後鄭謂齋

資同耳其字以齊次爲聲从貝變易古字亦多或又
典婦功女功之事齋典臬以待時頒功而授齋註並
云故書齋爲資掌皮則會其財齋註齋或爲資巾車
入齋于職幣註齋讀爲資漢書霍去病傳爲遣大官
齋數十乘師古曰齋與資同荀子大略齋盜糧註齋
與資同

釋輶

〔註〕古文輶作祓

〔註〕引詩傳曰輶道祭也

世華

案古祭祀之字皆从示

故古文作祓

圭與縹

〔註〕古文縹或作藻今文作縹

見上取圭垂縹條

絢組

〔註〕今文絢作約

玉篇糸部絢約同

句勾本通字

爲肆

〔註〕古文肆爲肆

周禮小宗伯肆儀註故書肆爲肆小戴記玉藻肆束及帶註肆讀爲肆曲禮大夫與士肆內則請肆簡諒陸本並作肆學記宵雅肆三釋文肆本又作肆春秋左文四年傳臣以爲肆業及之也陸本作肆昭三十年傳若爲三師以肆焉釋文肆本又作肆

義之至也

〔註〕今文至爲祗

說文石部砥字本作底詩桑柔靡所底止傳底至也
書禹貢震澤底定史記夏本紀作致定

賓入門皇

〔註〕古文皇皆作王

說文王部王天下所歸往也小戴記少儀齊齊皇皇
註皇讀如歸往之往詩漸漸之石不皇朝矣箋皇王
也春秋繁露深察名號篇王者皇也書皇極史記作
王極洪範五行傳建用王極註或皆爲皇極莊子天
運三王釋文本或作三皇

皮馬相間

〔註〕古文間作干

詩考槃在澗釋文澗韓詩作干

賄在聘于賄 〔註〕古文賄皆作悔

世榮

案悔當爲賄玉篇貝部賄贈送財也賄同

禮不拜至 〔註〕今文禮爲醴

見士冠禮禮於阼條

擯者立于闕外 〔註〕古文闕爲蹙

見士冠禮布席于門中闕西闕外條

負右房而立 〔註〕今文無而

唯羹飪 〔註〕古文羹爲羔飪作臚

說文粥部粥从粥从羔小篆从羔从美

世榮

案羔字

蓋竹簡羹字之蝕去其半也○士昏禮皆飪註飪熟

也小戴記郊特牲腥肆爛臠祭註臠熟也詩楚茨傳烹飪之也釋文飪本又作臠

如饋食之禮

〔註〕今文無之

盼肉

〔註〕今文盼作紛

世舉

案紛蓋假借字故鄭不從

明日問大夫

〔註〕古文曰問夫人也

夫人歸禮

〔註〕今文歸作饋

見上歸饗饋五牢條

日如其饗饋之數

〔註〕古文餼爲既

小戴記中庸既稟稱事註既讀爲餼說文米部氣饋

客芻米也引春秋傳齊人來氣諸侯或作槩或作餽
今左桓十年傳作餽諸侯考工記玉人以致稍餽註
餽或作氣論語不使勝食氣釋文氣說文作既

則重賄反幣

〔註〕今文曰賄反幣

十六斗曰簋

〔註〕今文簋爲逾

見上車秉有五簋條

十筥曰稷

〔註〕古文稷作稷

史記景帝紀衣七縵布註縵八十縵也說文禾部稷
布之八十縵爲稷又托字引周禮十筥曰稷

世榮案

據此知稷縵古只一字

儀禮古今文疏證卷上終

姪典潮枚叟參校

儀禮古今文疏證卷下

臨海宋世舉學

公食大夫禮第九

設局鼎

〔註〕今文局作鉉古文鼎皆作密

見士冠禮設局鼎條

設洗如饗

〔註〕古文饗或作鄉

見聘禮壹食再饗條

宰東夾北西面南上

〔註〕古文無南上

坐奠于鼎西

〔註〕今文奠爲委

詩采蘋于以奠之傳奠置也呂覽執一置質爲臣註

置猶委也

左人待載

〔註〕古文待爲持

周禮服不氏以旌居乏而待獲杜子春云待當作持
大戴記禮三本待年而食者荀子禮論待年作持手
倫膚七

〔註〕今文倫或作論

小戴記王制必卽天論註論或爲倫釋名釋典藝論
倫也有倫理也詩靈臺於論鼓鐘箋論之言倫也皇
侃論語義疏叙倫論二稱義無異也荀子儒效人倫
盡矣註倫當爲論又性惡論而法註論或爲倫莊子
齊物論有倫有義釋文倫崔本作論

公壹揖壹讓

〔註〕古文壹皆作一

見士冠禮壹揖壹讓升條

賓立于階西

〔註〕今文曰西階

麋麇以西菁苴鹿麇

〔註〕今文麇皆作麋

素問氣厥篇上爲口麋註麋謂爛也釋名釋飲食麇

昵也骨肉相傳昵無汁也

世第

案麇亦爛義又麇麋

音近寫者承上而譌

宰夫設黍稷六簋于俎西二以竝

〔註〕今文曰併古文

簋皆作軌

竝併見聘禮皆二以竝條○周禮小史敘昭穆之俎

簋註故書簋或爲几鄭司農云几讀爲軌說文竹部

簋黍稷方器也。匱古文簋。或从軌。易損卦二簋可用。
享。蜀才本作軌。

大羹湑不和。

〔註〕今文湑爲汁。

見士昏禮。大羹湑在饗條。

由門入。升自阼階。

〔註〕今文又曰入門自阼階。無升。

擣于醯上豆之間祭。

〔註〕今文無于。

壹以授賓。

〔註〕古文壹作一。

見士冠禮。壹揖壹讓。升條。

臠以東牖。饔。

〔註〕古文臠作香。臠作熏。

廣雅釋器。臠香也。周禮庖人膳膏香。釋文香禮記作。

薌○廣雅釋器臠香也文選別賦陌上草薰註薰香氣也

牛鮓

〔註〕今文鮓作鮓

玉篇魚部鮓魚名又鮓屬鮓同

從者訝受皮

〔註〕今文曰梧受

見聘禮賓進訝條

魚腊不與

〔註〕古文與作豫

見士昏禮我與在條

西東母過四列

〔註〕古文本母爲無

見士昏禮夙夜無違命條

二以並

〔註〕今文並作併

並卽竝字見聘禮皆二以竝條

皆如饗拜

〔註〕古文饗或作鄉

見聘禮壹食再饗條

束錦也

〔註〕今文無束

加萑席

〔註〕今文萑皆爲莞

〔註〕萑細葦也詩斯干下莞上簟箋莞小蒲之席也爾

雅釋草芷夫王〔註〕似莞蘭釋文莞本又作萑誤

世楚

案萑當爲萑字

辛苦

〔註〕今文苦爲芻

特牲饋食用苦註今文苦爲芡說文艸部芡地黃也
引禮曰羊芡爾雅釋草藟大苦註或云似地黃

簠有蓋冪

〔註〕今文或作幕

旣夕冪用疏布註冪覆也方言幕覆也小戴記檀弓
布幕衛也繆幕魯也釋文幕本又作冪

覲禮第十

天子賜舍

〔註〕今文賜作錫

見燕禮以賜鐘人於門內雷條

帥乃初事

〔註〕今文帥作率

見聘禮帥眾介夕條

以瑞玉有纁

〔註〕今文玉爲璧纁或爲琫

說文玉部璧瑞玉圍也○纁琫見聘禮取圭垂纁條
伯父實來予一人嘉之〔註〕今文實作寔嘉作賀

詩小星寔命不同釋文寔韓詩作實又燕燕實勞我
心釋文實本亦作寔又韓奕實墉實壑箋實當作寔
趙魏之東實寔同聲春秋桓六年寔來左傳註寔實
也國策周策白起是攻用兵高誘曰是實也書秦誓
是能容之小戴記大學是作實別本亦作寔○廣雅
釋言賀嘉也國語晉語賀大國之襲於已說苑辨物
篇賀作嘉

迎于外門外

〔註〕古文曰迎于門外也

大史是右

〔註〕古文是爲氏也

周禮射人註引此作大史氏右士昏禮惟是三族之不虞白虎通宗族引作惟氏小戴記曲禮是職方註是或爲氏漢書地理志氏爲莊公師古曰氏與是同古通用字後漢書李雲傳則五氏來備註是與氏古字通耳山海經西山經高是之山水經註作高氏韓勅碑於氏憤懣之思隸釋以於氏爲於是又張遷碑張是輔漢張是卽張氏字又漢末人是儀亦作氏儀陳壽魏志謂孔文舉改氏爲是非也

尚左

〔註〕古文尚作上

見鄉射禮以茅上握焉條

四傳擯

〔註〕今文傳作傳

周禮訓方氏誦四方之傳道註故書傳爲傳史記封禪書其傳在渤海中服虔曰傳音附或曰其傳書云爾瓚曰世人相傳之漢書五行志傳以洪範師古曰傳字或作傳小戴記檀弓註何傳乎釋文傳一本作傳莊子天運魚傳沫又山木隨其爲傳釋文並云傳本作傳春秋左傳各傳字唐石經並作傳

祭地瘞

〔註〕古文瘞作瘞

爾雅釋天孫炎註瘞者黻也詩皇矣其苗其黻釋文
黻韓詩作殪釋名釋喪制殪黻也就隱黻也

喪服第十一

牡麻經冠布纓

〔註〕今文無冠布纓

士喪禮第十二

綴足用燕几

〔註〕今文綴爲對

考工記與人鞬圍鄭司農云鞬讀如繫綴之綴

書銘于末

〔註〕今文銘爲名末爲旆也

旣夕取銘置于重〔註〕今文銘皆作名周禮小祝置銘
註銘今書或作名又司勳註銘之言名也小戴記祭

統銘者自名也列子湯問伯益知而名釋文名與銘同○釋名釋兵白旆殷旌也以帛繼旆末也世粹案末有味音旆亦有末音

東鄉

註今文鄉爲面

周禮擇人而正王面小戴記玉藻惟君面尊**註**並云面猶鄉也

不精

註古文精皆爲精

註精讀爲綽設文糸部綽讀若旌釋名釋兵旌精也孟郁碑師工旌密隸釋以旌爲精

環幅不鑿

註古文環作還

春秋左襄十年傳還鄭而南釋文還本亦作環又哀
三年傳道還公宮釋文還本又作環

牢中旁寸

〔註〕今文樓爲纓旁爲方

註牢讀爲樓樓爲削約握之中央以安手也上長四

寸纓中註纓笄之中央以安髮

世榮

案古無纓字纓

中卽牢中也牢樓聲轉如樓蘭之爲牢蘭矣○大射
儀左右曰方註方出旁也廣雅釋詁旁方也書堯典
方鳩僝功史記五帝紀說文糸部並引作旁益稷方
施象刑白虎通聖人說苑節士並引作旁施呂刑方
告無辜於上論衡變動引作旁告

決用正王棘若釋棘

〔註〕古文王爲三今文釋爲澤

說文王部王字引孔子曰一貫三爲王

世準

案古文

爲三當爲竹簡之爛而脫其中一也○古釋醴等字皆作澤說文無釋字今文爲澤當亦假借用

祿衣

〔註〕古文祿爲緣

〔註〕黑衣裳赤緣之謂祿祿之言緣也周禮內司服緣衣〔註〕此緣衣者實作祿衣也釋文緣或作祿

竹笏

〔註〕今文笏作忽

釋名釋書契笏忽也說文曰部作𠄎引春秋傳鄭太子忽今左傳作太子忽書益稷在治忽鄭本作治忽

論語微子仲忽漢書人表作中矧漢書揚雄傳翕赫
矧霍又矧矧如神師古並曰矧與忽同

拒用巾

〔註〕古文拒皆作振

註拒晞也清也小戴記曲禮振書註振去塵也

世榮

案拒卽振字

渙濯棄于坎

〔註〕古文渙作綠

世榮

案註謂荆沔之間語蓋方言也

髻用組

〔註〕古文髻皆爲括

下主人髻髮袒註古文髻作括說文髟部髻潔髮也
手部括絜也髻括卽髻括字玉篇髟部髻同髻

宰洗相建于米執以從

〔註〕今文宰不言執

設韜帶

〔註〕古文韜爲合也

士冠禮韜韜註合韋爲之管子小匡韜革二戟註韜革重革文選洞簫賦薄索合沓註合沓重沓也

麗于擊

〔註〕古文麗亦爲連擊爲挽

易象上傳麗澤兌註麗猶連也孔穎達易正義論史記五帝紀引世紀連山氏路史作麗山氏○史記封禪書莫不搯挽漢書郊祀志作搯擊師古曰古手挽字也又漢書游俠傳搯擊而游談者師古曰擊古手腕字也

世擊

案腕卽挽字擊當依說文作擊爲正

設冒麤之

〔註〕今文麤爲麤

春秋左成十七年傳楚公子麤師唐石經作麤師周禮翦氏註故書麤爲麤釋文麤本或作麤

冪用疏布

〔註〕古文冪皆作密

既夕冪用疏布註今文冪皆作密少牢饋食皆設局冪註古冪作密冪通作𦘒詳士冠禮設局𦘒條

冪奠用功布

〔註〕古文奠爲尊

奠尊形近說文丌部奠置祭也从會會酒也下其丌也又會部尊酒器也从會升以奉之或从寸作尊

四鬢去蹄兩胎脊腓

〔註〕今文鬢爲剔胎爲迫

釋名釋首飾髣剔也詩皇矣攘之剔之釋文剔或作髣又思樂狄彼東南箋狄當作剔釋文引韓詩云髣髣除也後漢書馮魴傳皆自髣剔註剔聲類曰亦髣字莊子馬蹄燒之剔之釋文剔崔本作髣漢書司馬遷傳髣毛髮文選髣作剔○註胎脅也下兩胎註今文胎爲迫周禮醢人豚拍註鄭大夫杜子春皆以拍爲膊釋文釋飲食膊迫也

世榮

案胎卽膊字

設局鼐

〔註〕古文鼐爲密

見士冠禮設局鼐條

二人以並

〔註〕今文並爲併

並卽竝字見聘禮皆二以並條

主人髻髮袒衆主人免于房

〔註〕今文免皆作纒古文

髻作括

既夕喪祝免袒註今文免作纒玉篇糸部纒喪服或

作免春秋左僖十五年傳使以免服衰經道釋文免

又作纒

世聲

案說文纒卽冕字今文非也○註引喪

服小記曰斬衰髻髮以麻檢今小戴記喪服小記髻

作括餘見上髻用組條

奉尸使于堂

〔註〕今文使作夷

註使之言尸也既夕使牀釋文使本亦作夷小戴記

喪大記奉尸夷于堂註夷之言尸也釋文夷本或作
倮玉篇人部倮夷也

抽肩予左手兼執之取鼯〔註〕今文肩爲鉉古文予爲
于鼯爲密

肩鼯見士冠禮設肩鼯條○書康王之誥用端命于
上帝唐石經于作予史記賈生傳請問于服兮索隱
漢書作予

乃杞載載兩髀于兩端兩肩亞兩肱亞脊肺在于中皆
覆進抵〔註〕古文杞爲匕髀爲肱今文肱爲迫抵皆爲
抵

少牢饋食長杙註古文杙作匕士昏禮註執匕者陸本作杙劉云匕器名杙者杙載也世榮案杙字本作杙小戴記雜記杙以桑註杙所以載牲體者釋文杙本亦作杙詩大東疏引雜記云匕用桑○髀脾見士昏禮髀不升條肫迫見上兩肫條○士虞禮載猶進杙註今文杙爲肫

襜者以裙註古文裙爲襲

釋名釋衣服裙襲也玉篇衣部襲重衣也急就篇註裙謂重衣之最在上者也

羸醢兩邐無滕註今文羸爲蝸古文滕爲甸

羸蝸見士冠禮羸醢條○

世舉

案滕騰滕同聲易象

下傳滕口說也釋文滕九家作乘詩十月百川沸騰
傳騰乘也周禮小司徒註甸之言乘也小戴記郊特
牲邱乘共粢盛註六十四井曰甸或謂之乘詩信南
山維禹甸之釋文甸鄭讀繩證反

左首進髻

〔註〕古文首爲手髻爲耆

首手見大射儀後首條○註髻脊也士虞禮魚進髻
註古文髻爲耆文選長楊賦癢耆孟康曰馬脊耆創
癢處服虔曰耆鬣玉篇髣部髣鬣也

成踊出

〔註〕今文無成

主人拜送

〔註〕今文無拜

敦啟會

〔註〕今文無敦

兼執之

〔註〕今文無兼

度茲幽宅兆基

〔註〕古文無兆基作期

期朞一字士虞禮朞而小祥註古文朞皆作基周禮

質人邦國朞釋文朞本或作基後漢書郎顗傳於詩

三基註基當作朞又漢靈臺碑楊著碑劉曜碑嚴舉

碑柳敏碑任伯嗣碑費鳳碑張遷碑皆以基爲朞字

不述命

〔註〕古文述皆作術

小戴記祭義而術省之註術當爲述聲之誤也詩曰

居月諸報我不述釋文述本亦作術小戴記樂記識
禮樂之文者能述又述者之謂明又述作之謂也史
記樂書並作術漢書賈山傳術追厥功師古曰術亦
作述唐扶頌耽樂道述隸釋以述爲術韓勅後碑共
術韓君德政孟郁碑歌術功稱張表碑方伯術職靈
臺碑陰州里稱術樊敏碑臣子褒術皆以術爲述字
席于闐西闕外〔註〕古文闐作欒闕作蹇

見士冠禮闐西闕外條

主人占曰某日從

〔註〕古文曰爲日

易大畜曰閑輿衛鄭康成陸希聲並讀曰爲日孟子

滕文公放勲曰舊趙註本作日音義日丁音駟或作
曰誤

既夕第十三

請啓期

〔註〕今文啓爲開

見士昏禮贊啓會條

商祝免袒

〔註〕今文免作纚

見士喪禮主人免于房條

取銘置于重

〔註〕今文銘皆作名

見士喪禮爲銘條

設披

〔註〕今文披皆爲藩

皮番通字詩十月之交蕃維司徒漢書古今人表作
皮書禹貢滂波既豬馬鄭本波作播周禮大司樂播
之以八音註播之言被也故書播爲藩

緇翦

〔註〕今文翦作淺

註翦淺也周禮巾車註翦淺黑也詩東門之墀有踐
家室傳踐淺也小戴記玉藻勿身踐也註踐讀曰翦
史記孝文紀皆無踐服虔曰踐翦也考工記註翦者
如倭倭之倭詩小戎傳爾雅釋言並云倭淺也

冪用疏布

〔註〕今文冪皆作密

見士喪禮冪用疏布條

甒二

〔註〕古文甒皆作廡

見士冠禮側尊一甒醴條

兩杆

〔註〕今文杆爲梓

〔註〕杆盛湯漿

世榮

案杆卽孟字說文皿部孟飯器也

小戴記內則敦牟〔註〕黍稷器也釋文齊人呼土釜爲牟考工記弓人筋三倅釋文倅本又作牟亦作梓同

賓奠幣于棧

〔註〕今文棧作𨋖

〔註〕棧謂柅車也玉篇車部𨋖載柅車

脾不升

〔註〕古文脾作脾

見士昏禮脾不升條

文疏證

卷之一

書之一

羸醢

〔註〕今文羸爲蝸

見士冠禮羸醢條

特鮮獸

〔註〕古文特爲俎

世華

案鮮獸乃特陳於俎者故古文爲俎

執算

〔註〕古文算皆爲筴

算數也筴卽策字史記五帝紀推策晉灼曰策數也

執功布以御柅

〔註〕今文無以

屬引

〔註〕古文屬爲燭

春秋左昭二十七年傳吳子燭庸史記刺客傳作屬

庸

乃窆

〔註〕今文窆爲封

小戴記檀弓縣棺而封又殷既封而弔又於其封也
曾子問遂縣封註並云封當爲窆王制庶人縣封註
當爲縣窆喪大記凡封註封周禮作窆易繫辭不封
不樹虞仲翔曰封古窆字也說文土部塋喪葬下棺
也春秋傳曰朝而塋禮謂之封周官謂之窆

曰如之何

〔註〕古文無曰字

士處適寢寢東首于北墉下

〔註〕今文處爲居于爲於

詩殷其雷莫或遑處傳處居也小戴記中庸居易以
俟命論衡幸偶作處易孟子滕文公居於於陵論衡

刺孟作處於於陵老子處衆人之所惡釋文處本作居○于於見士昏禮至於某之室條

設牀第

〔註〕古文第爲茨

世聲

案第茨音近說文竹部第牀簣也詩淇澳綠竹如簣傳簣積也又甫田如茨如梁傳茨積也

楔貌如輓

〔註〕今文輓作厄

釋名釋車榻輓也所以輓牛頸也馬曰烏啄詩韓奕條革金厄傳厄烏蠲也

世聲

案輓卽輓字

技在南

〔註〕古文技爲枝

見士昏禮授技條

赴曰〔註〕今文赴作訃

見聘禮赴者未至條

掘坎〔註〕今文掘爲圻

玉篇土部圻埤蒼云坎也坑也

世榮

案此當因下圻

坎而謬

塋用塊〔註〕古文塋爲役

士喪禮爲塋于西墻下〔註〕塋塊竈玉篇土部投陶竈

窻也引儀禮甸人爲圻于西墻下本亦作塋亦作煨

世榮

案役卽塋省

比絞紵用布倫如朝服

〔註〕今文無紵古文倫爲輪

易說卦爲弓輪釋文輪本作倫

實角觶

〔註〕古文角觶爲角柶

觶柶音近又儀禮多角柶字故傳寫或混

主人說髻

〔註〕今文說皆作稅

見士昏禮主人說服于房條

主人乘惡車

〔註〕古文惡作聖

周禮守祧則守祧黜聖之釋文聖本作惡小戴記雜記廬聖室之中釋文聖本作惡

白狗帟

〔註〕古文帟爲幕

註帟覆笄也詩韓奕鞞輶淺幘傳幘覆式也

世第

案

幟卽幟字周禮巾車作褱又幕幕通字小戴記檀弓
車幕註幕或爲幟

御以蒲菽 〔註〕古文菽作駟

疏引宣十二年知莊子抽矢菽漢書鼂錯傳材官駟
發如淳曰駟矢也春秋左氏傳作菽其音同耳

木館 〔註〕今文館爲鐸

世榮

案館鐸形近說文作轄轄急就篇註轄轂端之

鐵也轄豎貫軸頭制轂之鐵也方言關之東西曰轄
南楚曰軟離騷看玉軟而並馳註軟車轄也

木鑣 〔註〕古文鑣爲苞

釋名釋車鑣苞也在旁苞斂其口也急就篇註鑣之言苞也小戴記曲禮苞屨註苞薦也又春秋傳申包胥鵬冠子作申庶胥

馬不齊髦

〔註〕今文髦爲毛

廣雅釋器髦毛也周禮司勳則諸侯毛釋文毛別本作髦書堯典鳥獸髦毛說文毛部穉字引作穉髦顧命南宮毛漢書人表作髦

啓之斯

〔註〕古文啓爲開

見士昏禮贊啓會條

拱軸

〔註〕古文拱或作拱

上用軸註軸軼軸也狀如轉轆刻兩頭爲軼軼狀

世

犖

案蓋取拱持之義說文無軼字知卽借用拱也

序從如初

〔註〕今文無從

莖韉載旛

〔註〕今文韉爲殺旛爲膳

韉殺音轉如騷殺騷屑之類○旛膳見聘禮載旛條
橐車載蓑笠

〔註〕今文橐爲潦

註橐猶散也散車以田以鄙之車蓑笠備雨服疏引
周禮輪人爲蓋鄭云禮所謂潦車謂蓋車與釋名釋
車高車其蓋高立乘載之車也又輅蓋义也

世犖

案

此則橐當爲高潦當爲輅矣

文疏證

卷之一

書之一

抗木刊

〔註〕古文刊爲竿

註剥削之莊子列禦寇竿牘司馬註謂削竹簡爲書以相問遺左傳序則刊而正之釋文刊削也

弓矢之新沽功

〔註〕今文沽爲古

世犖

案古蓋沽省

有秘

〔註〕古文秘作柴

註引詩云竹秘緄滕今詩作竹閉

世犖

案秘枇音近

據釋文柴字作柴張淳識誤所見釋文作柴柴卽枇字小戴記喪大記以枇爲枇古文蓋音近假借用也

設依撻焉

〔註〕今文撻爲鉅

註撻附側矢道也世聲案鈛當爲枯說文木部枯𣎵

也从木昏聲一曰矢枯築弦處

士虞禮第十四

藉用葦席 〔註〕古文藉爲席

說文巾部席藉也管子山權數賦藉藏龜註藉席也
周禮春官司几筵註藉之曰席

設扃鼐 〔註〕今文扃爲鉉

見士冠禮設扃鼐條

東縮 〔註〕古文縮爲蹙

見鄉飲酒禮縮霱條

抽扃甌

〔註〕今文扃爲鉉古文甌爲密

見士冠禮設扃甌條

魚亞之

〔註〕今文無之

佐食出立于戶西

〔註〕今文無于戶西

命佐食啓會

〔註〕今文啓爲開

見士昏禮贊啓會條

祝命佐食墮祭

〔註〕今文墮爲綏

〔註〕引周禮曰既祭則藏其墮下不綏祭〔註〕綏當爲墮

少牢饋食以綏祭〔註〕綏或作按按讀爲墮特牲饋食

祝命按祭〔註〕引士虞禮古文曰祝命佐食墮祭周禮

曰既祭則藏其墮墮與綏讀同耳小戴記曾子問不綏祭註綏周禮作墮

播餘于篚

〔註〕古文播爲半

半當爲拌方言拌棄也楚凡揮棄物謂之拌楚詞思古播規桀以背度兮注播棄也國語吳語播棄黎老

醕尸

〔註〕古文醕作酌

少牢饋食乃醕尸註古文醕作酌特牲饋食酌醕尸註今文醕皆爲酌世華案酌當爲酌字玉篇酉部酌少飲也醕同說文無醕字知古只作酌矣

祝取肝擣鹽

〔註〕今文無擣鹽

祝入尸謏

〔註〕古文謏或爲休

少牢饋食祝入尸謏〔註〕謏或作休

沐浴不櫛

〔註〕今文曰沐浴

殺于廟門西

〔註〕今文無廟

取諸左臙上

〔註〕古文曰左股上

疏謂鄭欲兩從蓋傳寫之異

皆設局鼎

〔註〕今文局作鉉古文鼎作密

見士冠禮設局鼎條

載猶進祗魚進鬻

〔註〕今文祗爲祗古文鬻爲耆

祗祗見士喪禮進祗條鬻耆見士喪禮進鬻條

鉶用苦

〔註〕古文苦爲枯今文或作竿

書禹貢惟箇籛枯說文木部枯字引作輅枯荀子勸
學問枯者勿告也〔註〕枯與苦同莊子人間世此以其
能苦其生者也釋文苦崔本作枯世聲案竿當爲芊
字見公食大夫禮羊苦條

聲三啓戶

〔註〕今文啓爲開

見士昏禮贊啓會條

明齊淥酒

〔註〕今文曰明淩又今文淥爲醲

周禮酒正辨五齊之名〔註〕杜讀齊皆爲淩小戴記禮
運淩醴在堂〔註〕淩讀爲齊祭統以共齊盛〔註〕齊或爲

案○下普薦漈酒註今文漈爲醱說文無醱字知卽作漈也

哀薦祫事

〔註〕今文曰古事

世犛

案古當爲合字之譌白虎通宗廟祫者合也

他用剛曰

〔註〕今文他爲它

詩鶴鳴他山之石陸本他作它釋云它古他字史記曹相國世家項他漢書高帝紀作項它師古曰它字與他同又秦南海尉它師古曰它古佗字也書本亦或作他詩唐風他人是愉漢書地理志作它人是愉

乃餞

〔註〕古文餞爲踐

周禮司尊彝朝踐註古書踐作餞書堯典寅餞納日
馬本作淺訓滅也世罕案成王政叙註踐訓滅是馬
亦以餞爲踐字

尊兩甒于廟門之右

〔註〕古文甒爲廡也

見士冠禮側尊一甒醴條

脯四脰

〔註〕古文脰爲脰

挺當爲挺鄉飲酒禮薦脯五挺釋文挺本亦作脰同

縮祭

〔註〕古文縮爲蹙

見鄉飲酒禮縮霑條

尸謏

〔註〕古文謏作沐

文疏證

世聲

案上謾爲休沐當爲休宇之譌王侍郎引之一曰

謾休古聲相近

丈夫說經帶于廟門外

〔註〕今文說爲稅

見士昏禮主人說服于房條

主人不與

〔註〕古文與爲豫

見士昏禮我與在條

猶出几席

〔註〕古文席爲筵

見大射儀賓升就席條

躋耐爾于爾皇祖某甫

〔註〕今文躋爲齊

躋躋通字詩長發帝命不違至于湯齊湯降不遲聖

敬日躋小戴記孔子閒居湯齊日躋字並作齊註詩
讀湯齊爲湯躋又樂記地氣上齊註齊讀爲躋釋文
齊又作躋

明日以其班祔

〔註〕古文班或爲辨今文爲胖

少牢饋食右胖註古文胖皆作辯辯卽辨字漢書王
莽傳辨社諸侯註孟康曰班辨布也師古曰辨讀曰
班春秋左襄二十五年傳男女以班劉炫云哀元年
蔡人男女以辨與此同

沐浴櫛搔翦

〔註〕今文曰沐浴搔翦或爲蚤揃揃或爲

髣

註搔當爲爪士喪禮蚤揃如他日註蚤讀爲爪斷爪
揃鬚也小戴記曲禮不蚤鬚註蚤讀爲爪鬚鬚鬚也
引士喪禮鬚作揃漢書枚乘傳足可搔而絕註搔謂
抓也抓卽爪字之俗又莊子外物篇釋文引三蒼揃
猶翦也詩甘棠勿翦勿伐漢書王吉傳作勿鬚勿伐
漢書韋賢傳鬚茅作堂師古曰鬚字與翦同
爲折俎取諸脰臚〔註〕今文字爲折俎而說以爲斯俎
亦甚誣矣古文脰臚爲頭噬也

世榮

案斯折俱从斤故今文或傳寫異而誤解之○
脰頭見士昏禮左頭奉之條○臚噬音形並近

普薦漈酒

〔註〕今文漈爲醖

見上明齊漈酒條

朞而小祥

〔註〕古文朞皆作基

見士喪禮幽宅兆期條

薦此常事

〔註〕古文常爲祥

少牢饋食假爾大筮有常〔註〕常吉凶之占繇後漢書

竇武傳〔註〕祥吉凶之先見者史記爰盎鼂錯傳今公

常從數騎徐廣曰常一作詳

世榮

案詳祥通字

中月而禫

〔註〕古文禫或爲導

說文谷部因讀若三年導服之導又木部榘讀若三

文獻記
年導服之導小戴記喪大記禫而內無哭者註禫或
皆爲道道卽導字

特牲饋食禮第十五

席于門中闔西閤外

〔註〕古文闔作契闔作蹙

小戴記玉藻大夫中棖與闔之間註棖門楔也

世舉

案契當爲楔省○闔蹙見士冠禮闔西閤外條

乃宿尸

〔註〕凡宿或作速記作肅周禮亦作宿

註宿讀爲肅肅進也士冠禮乃宿賓註宿進也小戴
記祭統宮宰宿夫人註宿讀爲肅爾雅釋詁肅速也
國語周語俾莫不任肅純恪註肅速也

有鼎

〔註〕古文鼎爲密

見士冠禮設局鼎條

主婦視饔饔于西堂下

〔註〕古文饔作糒周禮作饔

周禮饔人註故書饔作饔說文食部饔酒食也或作饔或作糒方言氣熟曰糒字林饔熟食也

藉用萑

〔註〕古文用爲于

士冠禮宜之于假註于猶爲也荀子富國仁人之用國註用爲也

鼎之

〔註〕古文鼎皆作密

見士冠禮設局鼎條

設大羹湑于醢北

〔註〕今文湑皆作汁

見士昏禮大羹湑在甕條

升酌醕尸

〔註〕今文醕皆爲酌

見士虞禮醕尸條

賓長以肝從

〔註〕今文無長

尸以醕主人

〔註〕古文醕作酢

士虞禮尸以醕主人釋文醕本亦作酢有司徹尸以
醕主婦註今文醕曰酢易繫辭是故可與酬酢京房
本作醕說文酉部醕客酌主人又酢醖也徐鍇曰今
人以此爲酬醕字反以醕爲酢字時俗相承之變也

五經文字酉部醕酢上才各反下倉故反見詩今禮經依音用上字下經典通用爲酬酢字

佐食授綏祭

〔註〕古文授作綏

少牢饋食上佐食以綏祭註綏或作授有司徹其綏祭註綏皆當作授互詳士相見禮安而後傳言士虞禮祝命佐食墮祭條

主婦洗爵酌

〔註〕今文曰主婦洗酌爵

坐挽手

〔註〕古文挽皆作說

見鄉飲酒禮坐挽手條

主婦拜受爵

〔註〕今文授爲受

大射儀坐授瑟唐后經授作受周禮司書受其幣大司徒使之相受掌葛以權度受之註並云故書受爲授典婦功凡授嬪婦功司儀再拜授幣註並云授當爲受

尸備答拜焉

〔註〕古文備爲復

小戴記喪大記復殯服註復或爲服

世榮

案服亦作

獮形與備近

皆奠解于薦右

〔註〕今文曰奠于薦右

養者舉奠

〔註〕古文養皆作餽

釋文養與餽同有司徹乃養註古文養作餽

世榮

案

養當爲饗饗卽饌本字論語先生饌釋文饌鄭作餽

用苦

〔註〕今文苦爲芊

見公食大夫禮羊苦條

淳沃

〔註〕今文淳作激

考工記鍾氏淳而漬之註淳沃也

世準

案激亦激水

以沃之義

刊肺三

〔註〕今文刊爲切

少牢饋食心皆安下切上註今文切爲刊又祭肺三

皆切士虞禮註引作皆刊說文刀部切刊也刊切也

少牢饋食禮第十六

宿

〔註〕古文宿皆作羞

註宿讀爲肅肅進也周禮膳夫羞用百有二十品註羞進也漢書百官表御羞師古曰今長安城南御宿川也羞宿聲相近故或云御羞或云御宿耳

廩人擬甌麤七

〔註〕古文甌爲烝

方言甌或謂之酢錡爾雅疏引作酢餹說文食部餹飯氣蒸也

世舉

案甌所以烝烝甌音近故古文假借

司馬升羊右胖髀不升

〔註〕古文胖皆作辯髀皆作脾

胖辯見士虞禮明日以其班耐條髀脾見士昏禮髀不升條

皆二骨以並

〔註〕今文並皆爲併

見聘禮皆二以竝條

皆設扃冪

〔註〕古文冪皆爲密

見士昏禮冪用疏布條

司宮尊兩甒于房戶之間同楹皆有冪

〔註〕古文甒皆

作廡今文冪作甒

甒廡見士冠禮側尊一甒醴條○士喪禮冪用疏布

旣夕冪用疏布釋文並云冪本又作甒互詳士冠禮

設扃甒聘禮簠有蓋冪條

南柄

〔註〕古文柄爲方

國策秦策公仲柄得秦師史記甘茂傳柄作方

長杙

〔註〕古文杙作匕

見士喪禮乃杙條

心皆安下切上

〔註〕今文切皆爲刳

見特牲饋食刳肺三條

羸醢

〔註〕今文羸爲蝸

見士冠禮羸醢條

主婦興入于房

〔註〕今文曰主婦入于房

辯揔于三豆

〔註〕今文辯爲徧

見鄉飲酒禮辯有脯醢條

上佐食舉尸牢幹 〔註〕古文幹爲肝

釋名釋形體肝幹也廣雅釋親肝幹也白虎通性情
肝之言干也鄭季宣碑陰直事干司馬整碑陰諸曹
干並以干爲幹字

乃酌尸 〔註〕古文酌作酌

見士虞禮酌尸條

縮執俎 〔註〕古文縮爲蹙

見鄉飲酒禮縮霑條

上佐食以綏祭 〔註〕綏或作綏又古文墮爲旡

下其綏祭〔註〕綏亦當作綏古文爲旡張淳以爲此綏

爲斯之證餘詳士虞禮祝命佐食墮祭特牲饋食佐食授綬祭條

以嘏于主人又受祿于天又眉壽萬年勿替引之〔註〕

古文嘏爲格祿爲福眉爲微替爲袂袂或爲載

嘏格見士冠禮孝友時格條○爾雅釋詁祿福也○

春秋莊二十八年築郿公穀並作築微左作築麋詩

巧言居河之麋爾雅釋水水草交曰湄引詩居河之

湄釋文或作微又釋邱谷者微釋文微本作湄世學

案眉麋一字見士冠禮眉壽萬年條○註替載聲相

近世學案袂乃秩字之譌文選東京賦魏都賦景福

殿賦押秩字並直至反又載卽戴字詩巧言秩秩大

猷說文大部引作戴戴漢書地理志四戴卽詩駟職

文選西征賦與政隆替替字亦當音鐵也春秋公羊哀二年經

戰于栗釋文栗一本作秩二傳作鐵

挂于季指 **註**古文挂作卦

挂俗作掛易乾卦疏引易緯云卦者掛也繫辭故再
扞而後掛釋文掛京本作卦

其綏祭 **註**綏亦當作授古文爲𠄎

見上上佐食以綏祭條

祝拜坐爵 **註**今文曰祝拜受

尸謏 〔註〕謏或作休

見士虞禮尸謏條

資黍于羊俎兩端 〔註〕今文資作齎

見聘禮問幾月之資條

主人答一拜 〔註〕古文壹爲一也

見士冠禮壹揖壹讓升條

有司徹第十七

乃燂尸俎 〔註〕古文燂皆作尋記或作燂

註燂溫也引春秋傳曰若可燂也亦可寒也檢今春秋左哀十二年傳燂作尋服註尋之言重也溫也孔

疏引少牢有司徹云乃尋尸俎鄭元云尋溫也論語
溫故而知新集解溫尋也皇疏溫燂也世華案記或
作燂者疏引郊特牲血腥爛祭註云爛或爲燂聘禮
註惟燂者有膚釋文燂本一作爛說文炎部燂於湯
中燂肉廣韻燂爛字並同燂

乃設局鼎〔註〕今文局爲鉉古文鼎爲密

見士冠禮設局鼎條

乃議侑于賓〔註〕古文侑皆作宥

見聘禮以侑幣條

西縮〔註〕古文縮爲蹙

文疏證

見鄉飲酒禮縮霤條

西竝 〔註〕古文竝皆作併

見聘禮皆二以竝條

牟肉湑 〔註〕今文湑爲汁

見士昏禮大羹湑在甕條

二手執挑匕枋以挹湑 〔註〕今文挑作抗挹皆爲扱

註挑謂之畎讀如或春或抗之抗字或作挑者秦人語也周禮春人女春抗二人註抗抒曰也引詩云或春或抗爾雅釋器斛謂之隄註皆古鉞鋪字方言重燕之東北朝鮮洌水之間謂之斛
世華案斛隄卽挑

歆字詩生民或春或掄傳掄扌臼也釋文掄說文作
省檢說文臼部省扌臼也引詩或籛或省或从手从
宀○挹扱音近廣雅釋詁扱扱取也說文手部扱挹
也

于東楹東

〔註〕古文曰東楹之東

與殿脩

〔註〕今文殿爲斷

釋文殿本又作段釋名釋言語斷段也春秋公羊莊
二十四年傳殿脩云乎哉〔註〕殿脩取其斷斷自脩正
主婦主人之北西面答拜〔註〕今文無西面

南面主婦立于席西

〔註〕今文曰南面尸于席西

儀禮古今

卷七下

三 嶺山新著

坐挽手

〔註〕古文悅作說

註挽手者于悅小戴記內則註巾以悅手釋文悅拭手也本作挽少儀註坐挽手釋文挽本作悅挽說見鄉飲酒禮坐挽手條

皆答壹拜

〔註〕今文壹爲一

見士冠禮壹揖讓升條

羊髀一

〔註〕古文髀爲胙

見鄉飲酒禮脊脅胙肺條

若是以辯

〔註〕今文若爲如辯皆作徧

鄉飲酒禮公如大夫入註如讀若今之若考工記梓

人母或若汝不寧侯註若如也世犖案若如經典通

用甚駁○辯徧見鄉飲酒禮辯有脯醢條

其觴體儀也〔註〕今文儀皆爲職或爲議

世犖案曦字古作羲書大傳儀伯樂舞註儀當爲羲

仲之後也又典寶序羲伯釋文羲本作義莊子馬蹄

雖有義臺路寢釋文義本作義齊物論有倫有義釋

文義崔本作議國語鄭語伯翳能議百物漢書地理

志作伯益能儀百物易繫辭議之而後動釋文陸姚

桓元荀柔之本作儀

主人就筵〔註〕古文曰升就筵

舉觶于其長

〔註〕古文觶皆爲爵

見鄉射禮執觶洗升條

無髀

〔註〕古文髀作脾

見士昏禮髀不升條

乃據于魚腊俎

〔註〕今文據爲據

世華

案據字當爲據集韻據古作據本作拓說文手

部拓拾也陳宋語或从庶作據又據撮取也方言據

取也廣雅釋詁據據取也

其綏祭

〔註〕綏皆當作援古文爲換

世華

案換卽孺字周禮大祝有孺祭換援形聲並近

餘見少牢饋食上佐食以扱祭條

尸以醕主婦

〔註〕今文醕曰酢

見特牲饋食尸以醕主人條

乃羹

〔註〕古文羹作餒

見特牲饋食羹者舉奠條

右几屏用席

〔註〕古文右作侑屏作第

周禮大祝以享右祭祀〔註〕右讀爲侑又令鐘鼓右〔註〕

右讀亦當爲侑荀子宥坐此蓋爲宥坐之器〔註〕宥與

右同或曰與侑同○爾雅釋詁屏隱也說文厂部屏

隱也小戴記喪大記甸人取所徹廟之西北屏疏引

熊安生云屏謂西北隅屏隱之處詩采芑箋弗之言
蔽也爾雅釋詁輿革前謂之輶後謂之弗李註弗車
後戶名也世罕案弗蔽車後亦如屋西北隅之有屏
屏弗音亦近

儀禮古今文疏證卷下終

男

曾時何之
經舍訓之校

台州叢書爲臨海 宋确山先生所輯僅成甲乙兩集
而先生已返道山同治癸酉歲鑒來守台州時先生曾
孫庸德茂才以一函見贈得徧覽焉昨見 張香濤宮
庶所刊書目荅問中有周禮故書疏證儀禮故書疏證
註繫先生名並註台州叢書本因詢之貞德孝廉亦先
生曾孫也孝廉以此二種不入叢書鑒思台州叢書係
裒集鄉先進各著作此二種爲先生所著之書不入叢
書之說理或然歟今幸原板尙存並有舊冊檢閱一通
兩書無序無題端且原板間有霉爛殘缺處亟付手民
按照舊冊補刻完善俾復舊觀鑒不揣譎陋補署兩簽

疏證書末

仍將書板歸諸孝廉什襲藏之毋使遺缺是所厚望於
先生之後裔也爰綴數語於書末云

光緒六年歲次庚辰中秋月津門徐士鑾識